

صفقات العشر | #القرآن_حياتي | د. حازم شومان

حازم شومان

السلام عليكم ورحمة الله وبركاته. ان الحمد لله نحمده ونستعين به ونستغديه ونستغفره ونعوذ بالله من شرور انفسنا ومن سيئات اعمالنا. انه من يهده الله فلا مضل له. ومن يضلل فلن تجد له هاديا مرشدا. اللهم صل على محمد وعلى آل محمد كما صليت على ابراهيم وعلى - 00:00:00

آل ابراهيم انك حميد مجيد اللهم بارك على محمد وعلى آل محمد كما باركت على ابراهيم وعلى آل ابراهيم انك حميد مجيد. اما بعد الله اكبر الله اكبر الله اكبر - 00:00:30

لا اله الا الله. الله اكبر. الله اكبر والله الحمد. وبدأت احب الايام الى الله. وبدأت افضل ايام الدنيا بدأ العشر اخواني واخواتي في الله. في اللحظة اللي احنا بنتكلم فيها دلوقتي فات حوالي خمسة وخمسين ساعة. من افضل متين واربعين ساعة في العام كله - 00:00:45

فات حوالي خمسة وخمسين ساعة يعني عشر ذي الحجة بدأت من اول مغرب الخميس. احنا الوقتي ايه احنا الوقتي السبت يعني حوالي الساعة مسلا عشرة ونص بالليل كده او حاجة - 00:01:05

حوالي خمسة وخمسين ساعة عدوا من اعلى متين واربعين ساعة في السنة كلها. لو القطار بتاع العشر فات علينا هيبقى شديد جدا يوم القيامة على هذا الثواب الهائل. عشان كده درس الليلة بازن الله سبحانه وتعالى تذكير بقى ويعني شحذ همم للعمل الصالح - 00:01:15

في هزه الايام هنتكلم عن ايه صفقات العشر. درس الليلة بازن الله سبحانه وتعالى. صفقات العشر. الصفقات العظيمة اللي يتاجروا مع الله سبحانه وتعالى. هنتكلم عن كل صفقة كده في ثلاث اربع دقائق بسرعة بازن الله. سبحانه وتعالى. نبدأ بصفقة ايه يا اخوانا؟ نبدأ بصفقة قيام - 00:01:35

بازن الله سبحانه وتعالى. يعني لعل الواحد نفسه يبدأ بصفقة قيام الليل عشان الروعة بتاعة هذه العبادة. وعشان العظمة رغم ان يا اخواني كلنا مقصرين في هذه العبادة وكلنا حظنا ضعيف جدا من هذه العبادة. الا ان لعل ربنا يوقف قلوبنا ويحيي قلوبنا ونبقى من اهل قيام الليل. قالت - 00:01:55

تعال انا عايز الاول نركز في ثواب قيام الليل. الثواب انا هاخذ ايه من ربنا سبحانه وتعالى يوم القيامة؟ ان واطبت على قيام الليل لانها حمادة عايزة اجتهاد وعايزة تضحية وعايزة الواحد يجاهد النوم. قال تعالى تتجافى سمعوا معي يا اخواني. اسمعوا معي لعل قلوبنا - 00:02:15

وتتحرك لما نسمع ثواب القوامين في القرآن الكريم. قال تعالى تتجافى جنوبهم عن المضاجع يدعون ربهم خوفا وطمعا ومما رزقناهم ينفقون فلا تعلم نفس ما اخفي لهم من قرة اعين. تتجافى جنوبهم تتجافى - 00:02:35

يعني قطب سالب وقطب سالب. لا يمكن يقربوا من بعض مهما قاومت هيبعدوا وهيتنافروا عن بعض. جنبه مع السرير كأنه قطب سالم معقوب بسبب تتجافى. ما هوش طابق ينام جنوبهم. يعني مش مش جنب واحد ده يعني لما تكون ما انتاش عارف تنام على الجنب اليمين. انت قلقان طول ما طب اتقلب على الشمال - 00:02:55

انام. طب انام على ظهري. يمكن انام. ما فيش ولا جنب من جنوبهم عارفين يناموا عليه. تتجافى جنوبهم عن للنفور والبعد. عن المضاجع يعني حتى يا اخوانا لو لو السرير اللي نايم عليه حرير لو السرير اللي نايم عليه مخدة هوائية. لو السرير اللي نايم عليه

حاجة ما حصلتش - 00:03:15

ما هواش طابق ما هواش طابق ان هو ينام على السرير تتجافى جنوبهم عن المضاجع ليه؟ مين اللي في قلبه تجاه الله؟ مين اللي في قلبه تجاه الدار الآخرة من المشاعر اللي جواه تجاه اول ليلة في القبر. من اللي في قلبه تجاه الجنة ونعيمها. من اللي في قلبه تجاه النظر لوجه الله. مين اللي في قلبه تجاه الدار الان - 00:03:35

من اللي في قلبه تجاه حب الله والشوق الى الله. والشوق واللهف على رضا الله تتجافى. جنوبهم عن المضاجع. ليه هيعملوا ايه؟ يدعون ربهم خوفا وطمعا خافين من الدار الآخرة بكل تفاصيلها طمعانين في كرم ربنا ورحمة ربنا في الدار الآخرة. بكل تفاصيل النعيم فيها يدعون ربهم - 00:03:55

خوفا وطمعا ومما رزقناهم ينفقون. واقف طول الليل يا رب. يا رب رحمتك يا رب. يا رب النجاة يا رب يا رب نجني من النار يا رب. طب يا رب دول ثوابهم ايه - 00:04:20

فلا تعلم نفس ما اخفي لهم من قرة اعين. يعني ايه يا اخوانا؟ يعني انا ممكن مسلا مسلا انا عندي عيلة او اسرة فاجيب لي واحد مفاجئ واقوم موربها للعيلة كلها اقول لهم شايفين ياه! ده هينبهر لما هيشوفها. ده هيطير من الفرحة لما هيشوفها والكل مستني نزرة نزرة الفرحة في عينيه ساعة ما - 00:04:34

الهدية والمفاجأة. انما ممكن احضر مفاجأة ولا واحد في البيت كله عارفها. فالكل ملهوف يا ترى انا محضر لده ايه؟ تخيلوا يا اخوانا حتى الملايكة ما مش عارفة ربنا اعد للقوامين ايه. لحظة كشف الستار عن نعيم القوامين. اللحظة دي مش القوامين بس اللي هينبهروا لما الستارة ترفع - 00:04:54

او الحجاب يكشف عن النعيم بتاعهم. ده الملائكة والصالحين والكل هينبهر لما يرى نعيم القوامين. القوامين مين ربنا اخفي نعيمهم في الجنة حتى الملائكة لا تراه مهما كان لا يراه. لحظة كشف الحجاب عن نعيم القوامين والكل مبهور - 00:05:14

يعني الواحد بيتخيل كده كأن الملايكة يعني بتتساءل يا رب في ساعات الليلة الأخيرة. اللي بيوت المسلمين بتبقى عاملة زي المقابر فيها. الناس كلها نائمة. ودول نايمين يا رب بين ايديك يدعوك ويصلوا ويتوسلوا ويتبدلوا يا رب هتدي لدول ايه؟ يا رب دول هتديهم ايه دول؟ اديهم لا - 00:05:34

تعلم نفس ما ما للتعظيم ما اخفي لهم لدول بالزات من قرة اعين بعد خوف وبعد قلق وبعد حزن وبعد دموع وبعد هم وبعد بكاء من قرة اعين جزاء. تخيلوا يا اخوانا ده ثواب لك قوامين. لا لا لا ده مش كده بس. قال تعالى والذين يبيتون - 00:05:54

لربهم سجدا وقياما. والذين الذين هنا معناها ان الصفة متحققة فيهم. يعني مش بيقوم يومين وخلص ده على طول. ده القيام ده دق كل ليلة بيجي عند العصر المغرب قلبه خلاص بيتهز عشان العشاء تدن ينام ويصحى بقى يصلي بين ايدين ربنا ويصحى يتبتل بين ايدين - 00:06:15

ويصحى يعيش في العبادة بين ايدين ربنا سبحانه وتعالى والذين يبيتون. ربنا ما قالش والذين يقومون لربهم. سجدا وقياما. قال يبيتون يا رب ده البيات ده لفز بيعبر عن النوم. ما هو اللي الناس بتاخده من النوم وهم بياخدوه من القيام. الناس بتنام ست سبع ساعات بالليل. دول بيصلوا الوقت ده لله - 00:06:35

ياه! ياه على الهمم يا اخواني! يا على الهمم! والله يا اخواني ممكن الواحد يسمع الكلام ده. يعني يعني فعلا ممكن يكون واحد بيسمعنا دلوقتي ما بيصليش اصلا ويسمع انت بتتكلم عن قيام ليلة ست سبع ساعات. يا اخوانا ساعة ما حب الله بيسكن في القلب. الواحد بيخرج من حوله وقوته - 00:06:55

يبعد ربنا بقوة الله مش بقوته هو. ساعة ما حب الله بيتمكن من القلب. ساعة ما الشوق الى الله بيتمكن من القلب. ساعة ما اللف على النظر لوجه الله بتملاً معانيها القلب. ساعة ما القلب بيدخل الصدق في طلب الآخرة. ساعة ما القلب بينور ساعة ما القلب ربنا بيرفعه - 00:07:15

وبيطهروا وبيملأوا بالضياء والنور يا اخوانا ما حدش يقول هيعمل ايه. ساعة ما المشاعر دي بتزكر القلب لما تسمع ان فيه ناس صامت

قد كذا وقامت قد كذا وكانت بتخشع في الصلاة قد كذا. انت تستغرب هو في ناس تقدر تعمل كده! فيا اخوانا الكلام ده يعني الكلام ده فيه ناس ربنا بينور قلوبها - [00:07:35](#)

اسألوا ربنا ان ربنا ينور قلوبنا بالايمان. وان ربنا يملأ قلوبنا باليقين الصادق والاخلاص والصدق. وشوفوا بعدها جوارحنا هنشتغل. هتشتغل في طاعة ربنا سبحانه وتعالى قد ايه؟ والذين يبيتون لربهم - [00:07:55](#)

الناس بعد النوم بتقوم فايقة. دول بعد القيام فايقين. الناس يا اخوانا النوم بعد تعب اليوم وزحمة اليوم. ومشاكل اليوم وتوتر اليوم عايز بقى يرتاح ده ده بعد توتر اليوم كله القيام هو الراحة بتاعته هو سكن القلب بتاعه ووقف من ايدين ربنا اروع لحظة في حياة المؤمن - [00:08:11](#)

اروع لحظة بعد لحظة صلاة الجماعة وهو واقف بين ايدين ربنا. اروع لحظة في حياة المؤمن وهو واقف بين ايدين ربنا في التلت الاخير. والناس كلها نائمة والناس كلها يعني في غفلة وهو بين ايدين ربنا قلبه بيتبتل الى الله. ولسانه بيلهج بذكر الله. وقلبه عامل زي بركان - [00:08:31](#)

المشاعر اللي بيغلي وجوة قلبه مهرجان ايماني من الخوف والرجاء والحب. والتعظيم حياة الليل ده حياة. اللي ما لوش ليل ده محروم. اللي ما لوش ليل ده غلبان اوي ربنا سبحانه وتعالى يحيي ليلنا بطاعته. ويملاً ليلنا بالعبادة بين يديه يا رب. انه ولي ذلك والقادر عليه. والذين - [00:08:51](#)

يبيتون لربهم يعني زي ما اقول لك كده انا قاعد لك هنا هو اي طلب تطلبه اطلب اي طلب طول الليل انا سهران عشانك والذين يبيتون لربهم وهبوا الليل لله سبحانه وتعالى. الليل اغلى من اللي احنا نعمل فيه اي حاجة. اه والله يا اخواني. يعني انا مش عايز اقول يعني الليل اغلى من ان هو يبقى وقت مذاكرة - [00:09:11](#)

ايه الاغلى من انه يبقى وقت الا طبعاً اللي ايه؟ يعني اللي لقوا الظروف ده ربنا في سورة المزمل انزل عذر هؤلاء انما انا باتكلم ان في الظروف العامة الليل اغلى من اي حاجة - [00:09:34](#)

عشان كده ربنا سبحانه وتعالى قال للنبي ايه؟ ان لك في النهار سبحا طويلاً. ده انت عندك من الفجر للمغرب. تخيلوا يا اخواني مدة طويلة جدا للي عايز يعمل اي حاجة في حياته وقت كله بركة باذن الله. سبحانه وتعالى. الليل ده بتاع ربنا. الليل ده لله سبحانه وتعالى والذين يبيتون لربهم سجداً - [00:09:44](#)

القيامة وربنا يبدأ بالسجود اللي فيه نزول لله وسجداً صيغة مبالغة. لما الواحد يبسجد كده لربنا الناصية ديت اللي هي حطة التفكير دهي الفران تالوب دهبو الحطة المقدمة بتاعة الفكري يحطها في التراب والمناخير الانف بتاعة الكرامة والعزة يحطها في التراب والايدين اللي بيتحط فيها السروة - [00:10:04](#)

والغنى يحطها في التراب والرجلين الركبتين والقدمين اللي فيهم الحركة والسعي يحطهم في التراب. الواحد بيحس كده وهو ساجد في الوضع ده كأن العبد يقول لربنا ساعتها يا رب يا رب انا دماغي ومكان تفكيري في التراب. انا جاهل يا رب. انا انفي مكان كرامتي في - [00:10:24](#)

تراب انا ذليل يا رب. انا ايدي يا رب مكان الغنى في التراب انا فقير يا رب. انا رجلي يا رب مكان السعي في التراب انا عاجز يا رب يا رب يا عزيز ارحم ذلي. يا عليم ارحم جهلي. يا قدير ارحم عجزني. يا غني ارحم فقري - [00:10:44](#)

يا اخواني في الله معاني عظيمة سجداً وقياماً. تخيل بقى وهو عايش مع المعاني دي طول الليل طب يا رب دول هتديهم ايه يا رب؟ يا رب القوامين دول ثوابهم ايه يا رب؟ شوفوا بقى اخر ايات عباد الرحمن في سورة الفرقان اللي فيها الاية دهى قال تعالى اولئك - [00:11:04](#)

ديت يعني عارف اللي علي علي علي؟ ده دول علي اوي اوي اوي. اولئك يجزون الغرفة بما صبروا. يعني ايه غرفة يا اخواني فيه في الجنة حاجة اسمها الفردوس الاعلى وفيه حاجة اسمها باقي الجنة. الفارق ما بين الفردوس الاعلى وباقي الجنة زي الفارق ما بين الجنة وما بين الدنيا فارق - [00:11:20](#)

الفردوس الاعلى دول اللي ربنا اصطفاهم لجواره في الفردوس الاعلى. ربنا يجعلنا من اهلها يا رب اللهم امين الفردوس الاعلى ده ايه؟ فيه هنا قصور وفي هنا قصور فيه هنا بيوت وفي هنا بيوت فينا خيام وفينا خيام انما في حاجة في الفردوس الاعلى مش موجودة في اي مكان ثاني في الجنة. اسمها - [00:11:40](#)

اهلهم غرف من فوقها غرف اسمها الغرف. فالعلماء هنا قالوا الغرفة دي يعني ربنا ما قالش حتى الغرف ليه؟ قال لك لان دي اعلى حاجة في الغرف يعني القوامين. ربنا هيديهم اعلى الفردوس الاعلى. اعلى حاجة في الفردوس الاعلى مين اللي ضيع العبادة دي؟ مين اللي يفرط في العبادة اللي - [00:11:58](#)

ثواب اسمعوا الى قول الله سبحانه وتعالى يا اللي عايزين تعرفوا ثواب القيام عشان تبدأوا تجاهدوا وتتعبوا من اجل الفوز بهذه العبادة. قال تعالى ان المتقين في جنات وعيون اخدين ما اتاهم ربهم انهم كانوا قبل ذلك ايام راحلون - [00:12:18](#) والتعب بتاعها راح والسهر بتاعها راح. وفضل السواب اللي سطر في الصحائف. وفضل النور اللي ملأ القلوب. وفضل الدعاء اللي للملك وفضل الذكر اللي رفع حول العرش بصوتك يسبح الله ويطوف مع الملائكة عند عرش الله سبحانه وتعالى - [00:12:38](#) كانوا قليلا من الليل ما يهجعون وبالسحار هم يستغفرون. كانوا قليلا هم دول يا رب اخدين ما اتاهم ربهم انهم كانوا قبل ذلك محسنين كانوا بيعملوا ايه؟ كانوا قليلا من الليل ما يهجعون. الجوع ده يا اخوانا نوم الطير يا اخوانا يقول لك هجعت الطيور في اوكوارها. يعني لما تهز الغصن كده - [00:12:58](#)

بالليل الطور تصحى في سانية وتطير نوم خفيف جدا. جدا ما فيش حاجة اسمها طرت هزه وما بيصحاش. ده الطير اقل حاجة تقوم طياراه. على طول ادانهم ومنهم خفيف ليه؟ لانه - [00:13:18](#)

موصولة بالله. يا عائشة ان عيني تنام ولا ينام قلبي. ولا ينام قلبي. مين فينا اللي لا ينام قلبه؟ وكمان يعني قليل من الليل اللي بيناموه وكمان القليل ده نوم خفيف. من اتصال القلب بالله. يا رب دول هتديهم ايه؟ يا رب دول هتكافئهم بايه - [00:13:28](#) يا رب دول ثوابهم عندك ايه؟ يا رب اللي عملوا العبادة دي لوجهك يا رب هتديهم ايه؟ اهو ربنا قالها قبلها اخدين ما اتاهم ربهم. يعني ايه اخدين ما اتاهم ربهم - [00:13:48](#)

يا اخوانا فيه حاجة في الدنيا ربنا خص بها الاولياء. اسمها الكرامات. يعني ايه الكرامات؟ يعني الكرامات دي حاجات عطاءات خاصة جدا. ربنا يديها لطائفة مخصوصة من عباده اولياء الله الصالحين. في الجنة يا اخوانا في حاجة زي الكرامات كده في عطاءات مخصوصة في الجنة. يعني عطاءات لفلان - [00:14:01](#)

عطاء لفلان نعيم لفلان. نعيم يتنعم به الزمرة دي. سبحان الله العظيم! فدول خصوا بنعيم في الجنة لا يتنعم بي غيرهم اخدين ما اتاهم ربهم. ده ده نعيم خاص وعطاء خاص لا يوجد له مثيل في الجنة كلها. لمين يا رب؟ للقويين - [00:14:21](#) هو مين الذين كانوا قليلا من الليل ما يهجعون؟ طب بس الايات ديت بتتكلم عن احوال عالية جدا. قلت لكم يا اخوان القضية ان حب الله يسكن في القلوب والله يا اخواني القلب اللي هيسكن في حب الله دنيا ايه اللي تقرب من قلبي مليان حب لربنا. دنيا ايه اللي تقرب من قلبي مليان شوق لربنا. دنيا - [00:14:41](#)

ايه اللي اتقرب من قلب ملهوف على النظر لوجه الله؟ دنيا ايه؟ اللي تقرب من قلب عطشان انه يشرب من ايد النبي. عليه الصلاة والسلام الحوض دي قلوب لما ربنا بيحيي القلب ما تسألش الجوارح هتعمل ايه. وما تسألش الجوارح هتجتهد قد ايه بكل لذة وبكل فرح. هل النبي عليه الصلاة - [00:15:01](#)

سلام. لما كانت بتتفطر قدميها في القيام. رجليه بتتشقق في القيام عليه الصلاة والسلام. هل هو كان حاسس بالالم بتاعها ولا لذة الاتصال اقسام بالله فوق اي الم جسدي دي احوال في غاية العظمة. مين اللي عايز يبقى مع النبي عليه الصلاة والسلام في الجنة؟ ادي قيام النبي تتفطر قدماه. في قيام الليل عليه الصلاة والسلام - [00:15:21](#)

مين اللي عايز يبقى مع النبي في الجنة؟ ربنا يجعلنا مع النبي عليه الصلاة والسلام في الجنة. قال تعالى قال الله رب العالمين امن هو قانت انا الليل اصل ربنا يا اخوانا لما بيتكلم عن العبادة بيتكلم عن اعلى احوالها لان القرآن كتاب علو همة. القرآن - [00:15:41](#)

ببوقظ الهمم. القرآن كتاب يبفجر العزائم في القلوب وفي الصدور. القرآن ما يتكلمش عن اي ذكر. يذكرون الله قياما وقعودا وعلى جنوبهم ما يتكلمش عن اي قيام. امن هو قانت اناء الليل ساجدا وقائما ما يتكلمش عن اي صيام. اني نذرت للرحمن صوما نكرة للتعظيم - [00:16:01](#)

القرآن بيتكلم عن اعظم مقامات. لان ربنا خلقك في احسن خلق واراد منك احسن عمل. القرآن بيرفع الهمم. اللي هيقلب على القرآن في الايام ايام دهيت يا بخته يا بخته بعلو الهمة اللي هتتفجر في صدره. يا بخته بارتقاء الايمان اللي هيتولد في قلبه باذن الله. سبحانه وتعالى قال تعالى - [00:16:21](#)

امن هو قانت اناء الليل. طول الليل ساجدا وقائما ما بين عبودية السجود وعبرية القيام يحذر الاخرة ويرجو رحمة ربه من اللي في قلبه مش قادر ينام. من اللي في قلبه تجاه الدار الاخرة وتجاه الجنة والنار مش قادر ينام. يا رب فيه ناس مصدقة للدرجة دي - [00:16:41](#)

يا رب فيه ناس قلوبها ايقنت للدرجة دي. يا رب فيه ناس المشاعر دي سكنت في قلوبها فعلا؟ ايوة يا اخوانا يحذر الاخرة ويرجو رحمته ربي طب يا رب دول هتديهم ايه؟ يا اخوانا احنا دلوقتي في سورة الزمر امن وقانت اناء الليل ساجدا وقائما دي في سورة الزمر. سورة الزمر بتتكلم عن - [00:17:01](#)

اعلى زمرة هتدخل الجنة. اللي هي ايه! شوفوا ربنا بقى بيوصف نعيم دول في اخر السورة بيقول وسيق الذين اتقوا ربهم الى الجنة زمرا حتى اذا ها وفتحت ابوابها. الثمانية يا رب - [00:17:21](#)

دول اللي هيفوزوا بابواب الجنة الثمانية باذن الله ربنا يجعلنا منهم يا رب باذن الله. دول اللي هيفوزوا بابواب الجنة الثمانية. يعني سورة الزمر بتتكلم عن اعلى زمرة ادخل الفردوس الاعلى بتتكلم عن الزمر اللي هتنادى من ابواب الجنة الثمانية. يبقى العمل ده يوصل لده. مين اللي يزهد في دي؟ اسمع الى قول الله سبحانه - [00:17:35](#)

وتعالى ومن الليل ومن الليل يعني مش من النهار النهار له احوال. والليل له احوال ومن الليل الليل الغالي قوي ده اللي ما لوش الليل ده محروم. اللي ما لوش ليل ده فقير يا اخواني - [00:17:55](#)

اللي ما لوش ليل ده مسبوق يا اخواني. ومن الليل فتهجد به. مش تهجت فيه. تهجت في نص ساعة ساعة. تهجد به اقطع الليل بالتهجد. ايه التهجد ده؟ الوجود اللي هو النوم؟ تهجد يعني ازل النوم. طير النوم بقى كفاية نوم بقى. كفاية نوم يا اخواني كفاية - [00:18:08](#)

يا اخواتنا كفاية نوم الواحد ينام قليلا ويستيقظ لكي يصلي بين يدي الله سبحانه وتعالى ومن الليل فتهجد به نافلة لك الواحد مكسوف وهو بيشرح الايات دي جدا واحد مكسوف من نفسه وهو بيشرح الايات دي. لان دي مش احوالنا يا جماعة. وكلنا عارفين ان دي مش احوالنا. وكلنا عارفين ان لا الناصح ولا المنتصح دي احواله يا اخوانا - [00:18:28](#)

ولكن نسأل الله الفتح ونسأل الله الهدى. ونسأل الله ان يعمر قلوبنا بما عمر به قلوب الصديقين. ونسأل الله سبحانه وتعالى ان يملأ قلوبنا بما ملأ به باعمال الصالحين. ونسأل الله ان يجعلنا له صوامين. له قوامين. انه ولي ذلك والقادر عليه. قال تعالى ومن الليل فتهجد - [00:18:51](#)

به نافلة لك يعني مش مقابل بقى استغفر الله يعني يا رب هتدي له ايه يا رب؟ هتدي للي هيعمل كده ايه يا عسى ان بيعثك ربك مقاما محمودا. للنبي ايه المقام المحمود؟ المقام المحمود ان فيه لحظة في يوم القيامة - [00:19:11](#)

ولا مخلوق هيفكر في مخلوق. حتى الانبياء والملايكة هيكسوا على ركبهم ويقولوا نفسي نفسي. ده لحظة بدء قبل بدء الحساب لما كل الخلائق من الحر هتجن من الموقف اللي هي فيه طاهرة الى الانبياء والى الرسل والى الملائكة ما حدش ما حدش قادر ان هو يفكر في اي حد - [00:19:29](#)

فحينئذ يهرع الناس الى رسول الله صلى الله عليه وسلم. وحينئذ يشفع رسول الله صلى الله عليه وسلم الشفاعة العظمى. ايه الشفاعة العظمى؟ اللي هي ان امته تدخل الجنة؟ لا يا اخوانا - [00:19:49](#)

في شفاعات ثانية للنبي عليه الصلاة والسلام. الشفاعة العظمى ديت اللي هي ان يبدأ الحساب اللي هي اللحظة اللي كل الانبياء نفسهم ما يقدروش يتكلموا فيها. دي يعني ايه مقاما محمودا؟ اللحظة اللي كل الخلائق تنبهر بمقام النبي عليه الصلاة والسلام عند الله -

00:19:59

الوحيد في المخلوقات كلها اللي يقدر ان هو يستشفع عند الله سبحانه وتعالى في هذا الوقت. طب لو علينا احنا بقى عسى ان يبعثك ربك مقاما محمودا يعني ايه ان ربنا يرفعك يوم القيامة رفعة. جميع الخلائق تنبهر بها. ما اعظم ثواب القوامين - 00:20:16

ده سواب يا اخوانا ولكن فيه حاجة ثانية اسمها ثمرة القيام. او دعاء الاسحار او دعاء الليل. يا اخوانا سهام الليل لا تخطئ. الواحد يعلم قصص عن اجابة الدعاء في قيام الليل تذوب لها القلوب. اللي عنده مرض ومزمن ومقلق ومتعب. ويدعي ربنا وقبل ان ينفجر

00:20:33 - الفجر يستجاب

دعاء واللي عنده طلب مش مصدق انه ممكن يحصل. ويتوسل الى الله في الربع ساعة اللي قبل الفجر. وقبل ما الفجر عمود الفجر ينشق استجاب الدعاء. دعاء الليل لا تخطئ سهامه. دعاء القيام ده لا تخطئ سهامه. مش عايزين نحرم نفسنا من دعاء القيام. طب

00:20:53 - نعمل ايه

ما هو الوقتي الواحد يسمع حياة القيام والواحد طول عمره كان يفكر كده للأسف الشديد الواحد يعني كان نفسه ان حد بس يعني ايه يعني يفهموا الواقعية في التعامل مع هذه العبادات العظيمة. يعني بتوع علم النفس وكده يقول لك خليب. خلي اول خطوة دائما

00:21:14 - خطوة

سهلة بسيطة. يعني الواحد كان زمان يسمع عن القيام وهو لسه في اول الالتزام. عايز اقوم التلت الاخير. يا سيدي ابدأ بس بعد

00:21:32 - العشاء. ابدأي بعد العشاء. ابدأ بعد العشاء

افرض انت نزام نومك مش جاي مع الموضوع ده ما انتاش عارف. هتفضل بقى تحاول وهتفضل تأجل عبادة يا اخوانا خلوكوا

00:21:42 - واقعيين. لو انت لسانك عشرين سنة بازن الله مسلا في الدنيا

لو قعدت سنة تقوم بعد العشاء لحد ما تمكّن قلبك من حب العبادة وقمت بقى بعد كده قافز على التلت الاخير تسعناشر سنة انت كسبان ولا لا ولا تفضل عشرين سنة حاطط ايدك على خدك لانك مش عارف تبدأ البداية الصعبة دي ومش عارف تبدأ بيبيتون لربهم

00:21:52 - سجدا وقيما خلينا واقعيين يا اخوانا يا اخوانا يعني انا بقول لكم الكلام

اللي انا يعني يعني بانصح به نفسي واللي انا لما باحاول اطبق باحاول اطبقه على نفسي. انا مش باقول لكم الكلام انا باقول لكم

00:22:12 - الكلام العملي الواقعي اللي الواحد لما يببدأ ان هو -

فعلا يحاول ان هو يطبق ويحاول ان هو يعمل بيلقي ان هو ده الكلام اللي يتناسب مع هممنا البسيطة وزروفنا ومشغلنا نبدأ يا اخوانا قيام الليل بعد العشاء نبدأ نجرب جربي نص ساعة جرب ساعة جربي ساعتين جربي ساعتين انت حر. اللي انت عايزه بقى

00:22:22 - على حسب بقى فتح الله على قلبك. دي فتوحات لله سبحانه وتعالى على القلوب. عايز ايه -

الرسول عليه الصلاة والسلام سنته قام من اول الليل وقام من اوسط الليل وقام من اخر الليل عليه الصلاة والسلام. الامر واسع يا

اخواني. ودعاء الليل اسمع دعاء يعني صليت في اول الليل صليت في اوسط الليل صليت في اخر الليل نبدأ بس كده نتدرب مع

00:22:43 - بعض بازن الله سبحانه وتعالى يبقى دي اول صفقة تكلمنا عنها. يعني هو المفروض ان ما كانتش

صفقة ولكن يعني يمكن شوق الواحد للعبادة دي بالزات. وامنية الواحد ان ربنا يفتح علينا جميعا في العبادة دي بالزات. واحد بيحزن

00:23:03 - على منزل شوارع المسلمين. ساعة صلاة الفجر كأنها مقابر الواحد كأنه ماشي في المقابر بالزبط

بالزبط ما فيش حد صاحي الكل نايم الكل نايم تمشي في شارع من اوله لاخره تلاقي واحد نازل. ده انا لقيت واحد نازل. سبحان ربي!

00:23:17 - امتي يا اخوانا ربنا هيغير هذا الحال الى احسن حال؟ باذن الله -

سبحانه وتعالى هنتكلم عن صفقة ايه ثاني؟ نتكلم عن صفقة الذكر. طبعا بنام في عشر ذي الحجة نتكلم عن الصفقة اللي الواحد كان

00:23:30 - ناوي انه يببدأ بها اصلا. قال رسول الله -

صلى الله عليه وسلم الا انبئكم انا عايزكم تتدبروا في الحديث بقلب بقلب حي بقى الا انبئكم يعني ايه انباء؟ يقول لك انباء اخر
الانباء يعني الاخبار العظيمة فلان اسقطت حكومته وفلان قامت دولته والحرب الفلانية حصل فيها كذا. وحصل كذا. الباء دي يعني
اخبار خطيرة في الدنيا - [00:23:40](#)

لاهل الدنيا انباء ولاهل الآخرة انباء. الا انبئكم دي انباء طلاب الآخرة بقى. دي الاخبار العظيمة بتاعة طلاب الآخرة. نبئنا يا رسول الله
نبئنا يا حبيب الله عليه الصلاة والسلام - [00:24:02](#)

الا انبئكم بخير اعمالكم. يعني ايه؟ يعني رياض الصالحين الفين عمل. انا يا رب هاعمل ايه ولا هاسيب ايه مش قادر عايز عمل هو ده
هو ده. الا انبئكم بخير اعمالكم وازكاها عند مليككم. يعني لما صحيفتك تترفع كل اتنين وخميس لله سبحانه وتعالى - [00:24:15](#)
دكتور عمر ربنا يحبك بسبب واكثر عمل ربنا يرضى عنك بسببه. اكثر عمل ربنا يقربك بسببه. اكثر عمل ربنا يفتح عليك ويختارك
بسببه وازكاها عند مليكه وارفعها في درجاتكم. ده احنا دخلنا في الجنة بقى. والانطلاق في درجات الجنة اسانسير في الجنة. وارفعها
في درجاتكم - [00:24:36](#)

وخير لكم من انفاق الذهب والورق. يعني عندك طقم ذهب ونزلت بعديه وتصدقت به؟ لأ ده دي اعلى. الله! دي اعلى! ده ايه ده بقى!
ايه العبادة دي خير لكم من ان تلقوا عدوكم فتضربوا اعناقهم ويضربوا اعناقكم. يا رب ايه العبادة اللي اعلى من الانفاق والجهاد دي يا
رب - [00:24:56](#)

يا رب ايه العبادة العظيمة دي! قال رسول الله صلى الله عليه وسلم ذكر الله سبحانه وتعالى. ذكر الله عز وجل ذكر الله ليه ربنا يحب
الذكر كل الحب ده؟ هو يا اخوانا لما شاب بيحب حد ولا حد يقول لك انا دخلت في يقعد يتكلم عن اللي بيحبه ليل نهار بيحبه -
[00:25:16](#)

لسانه على طول بيذكره لانه بيحبه. فذكر الله دوام ذكر الله. ده علامة حب لله سبحانه وتعالى علامة حب لله. يبقى الحديث ده بيقول
لك ايه؟ بيقول لك ذكر الله انه يقول سبحانه الله مرة احسن من كل ده! لأ ده ده المداوم على ذكر الله. المداوم على ذكر طب نسمع
الحديث - [00:25:36](#)

تاني بقى بس بقلوبنا بقى نغمض عينينا كده ونسمع الحديث تاني. الا انبئكم بخير اعمالكم وازكاها عند مليككم وارفعها في درجاتكم
وخير لكم من انفاق الذهب والورق وخير لكم من ان تلقوا عدوكم فتضربوا اعناقهم ويضربوا - [00:25:53](#)
اعناقكم ذكر الله المداومة على ذكر الله. انك انت تفضلي عايشة مع ذكر ربنا ان قلبك ولسانك دول مع ربنا سبحانه وتعالى. الايام دي
اصلا ايام ذكر الم نتحدث المرة اللي فاتت عن - [00:26:15](#)

ان حديث النبي عليه الصلاة والسلام ما من ايام اعظم عند الله ولا احب الى الله العمل فيهن من هذه الايام. طب نعمل ايه يا رسول
الله بقى ايه العمل اللي انت تختاره له - [00:26:29](#)

حبيب الله عليه الصلاة والسلام. ايه العمل اللي ننش عليه بقى في الايام دي؟ فاكثرنا فيهن من التسبيح والتحميد والتكبير والتلهيل
سبحان الله والحمد لله. ولا اله الا الله والله اكبر برة العشر تيام دول كل كلمة بشجرة في الجنة. امال يا رب في هذه الايام -
[00:26:39](#)

تضاعف فيها الاعمال مئات والاف المرات. يبقى الثواب بتاع هذه الكلمات ايه؟ الايام دي اصلا يا اخوانا ايام تكبير وجهر بالتكبير. ابن
عمر وابو هريرة كانوا يخرجوا في الاسواق يكبروا الله اكبر. الله اكبر الله اكبر لا اله الا الله. الله اكبر الله اكبر والله الحمد - [00:26:59](#)
بيجهروا ويكبر الناس بتكبيرهم. يعني ايه يكبر الناس بتكبيرهم؟ الناس عايزة قائد. الناس عايزة حد يقودها. الناس نفسها تطيع ربنا.
ولكن نفسها انها تشوف حد قوي في الدنيا حد جريء في الدين خليك جريء في دين ربنا. خليك جريئة في الدعوة الى الله. خليك قوي
في انكار المنكر. خليك قوية في الدعوة الى الله. سبحان - [00:27:19](#)

الناس عايزة تشوف حد قوي في الدين يا اخوانا. الناس بتحب ربنا. وعايضة تطيع ربنا بس عايضة تشوف حد فعلا عنده قوة في طاعة
ربنا. وقوة في انكار المنكر وقوة في الدعوة الى الله. لما تشوف المنزر ده هتتزلزل وهتصدق فعلا يا اخوانا. خليك اقوياء -

في دين ربنا ويكبر الناس بتكبيرهما. بتكبيرهما لما لقوا من يقودهم في العبادة انطلقوا في عبادة ممكن تبقى صعبة على النفوس جدا. لان الناس انا اعلي صوتي وقدام الناس وسبحان الله مشهد مهيب جميل. عظيم امتى يرجع في شوارع المسلمين؟ انا يعني الواحد ساعات يفكر كده طب ما الواحد ينزل الاسواق - 00:27:55

الله اكبر. انا لو نزلت الاسواق قلت الله اكبر الناس مش هتعرف اصلا انا بكبر ليه. لان ممكن يكون ناس كتير جدا مش عارفين اصلا ايه قضية عشر ذي الحجة واهيه قضية التكبير - 00:28:15

وقضية الجهل يعني ربنا يغير حالنا لاحسن حال. ربنا يغير حال الامة لاحسن حال. صفقة الذكر صفقة عظيمة. بس عايزين بقى ايه نتقل بسرعة بسرعة كده يا اخوانا ما بين الصفقات صفقة الصيام. او عوا يا اخوانا او عوا يكون صفقة الصيام دي ضايعة مننا. احنا النهاردة كنا ثاني يوم في عشر ذي الحجة يعني بكرة تالت يوم - 00:28:25

الله سبحانه وتعالى يعني او عوا او عوا صفقة الصيام ديت تضيع مننا او نفرط فيها الم تسمعوا الى قول رسول الله صلى الله عليه وسلم عليك بالصوم فانه ما لوش مسيل عبادة ما لهاش مسيل. الم تسمعوا الى قول رسول الله صلى الله عليه وسلم؟ من ختم له بصيام - 00:28:45

يوم دخل الجنة. طب يا رب اموت وانا صايم ازاي؟ ما هو مش بايدي يعني انا ممكن اعيش وانا صايم. بس اموت وانا صايم ازاي؟ بسيطة جدا. بسيطة ازاي؟ من عاش علشان - 00:29:05

ان مات عليه عيشي على الصيام تموت على الصيام. اتنين وخميس وايام عشر ذي الحجة. وتلتاشر واربعتاشر وخمستاشر نعيش على الصيام. حتى نموت على هذه العبادة العظيمة شوفوا الحديث الخطير ده. قال رسول الله صلى الله عليه وسلم شوفوا الاحاديث دلوقتي يا اخوانا هيحصل تحويلة غريبة جدا جوة الحديث. الحديث فجأة هيتقلب من حديث نبوي - 00:29:15

قدس جوة الحديث. قال رسول الله صلى الله عليه وسلم كل عمل ابن ادم يضاعف. كله كرم ربنا عشرة امثالها الى سبعمائة ضعف. من عشرة لسبعمية ده ايه الكرم ده يا رب! عشرة امثالها! انا انا متخيل دلوقتي الصحابة وهم بيسمعوا الكلام من النبي عليه الصلاة والسلام - 00:29:37

من عشرة لسبعمية والقلوب عايشة مع المضاعفة وفجأة قال الله عز وجل الا الصوم. هو ايه ده؟ ده النبي هو اللي يقول كده.

الحديث في عالم من حديث نبوي الحديث قدسي - 00:29:58

يعني النبي عليه الصلاة والسلام بيقول حمال بتضاعف من عشرة لسبعمية. فجأة الكلام اتقطع. قال الله عز وجل الا الصوم. حاجة تشد قلبك كده. يعني كان النبي عليه الصلاة والسلام - 00:30:10

استثير انتباه الصحابة لهذه العبارة بالذات. يعني كتاب رياض الصالحين ماسكينه اهو. كل الاعمال اللي في رياض الصالحين بتتضاعف من عشرة لسبعمية وتقوم شاييل ورقة الصيام الا العبادة ده. الا دي قال الله عز وجل الا الصوم فانه لي وانا اجزي به يدع شهوته وطعامه من اجلي يعني ايه؟ يعني ابشروا يا اخواني - 00:30:20

عبادة الصيام على الميزان هتنتقل الميزان اكثر من سبعمية ضعف كمان. ياه! طب مين اللي يفطر في العبادة دي! طبكملوا بقى الحديث بقى اسمعوا باقي الحديث بقى للصائم فرحتان ده ده جزء من الحديث ده. فرحة حين فطره وفرحة حين يلقي ربه يعني موت الصوم دي افراح. موت - 00:30:40

الصوم ده افراح الناس بتبكي عليه وهو في افراح اسمعوا باقي الحديث بقى يا اخوانا ولخولف فم الصائم اطيب عند الله من ريح المسك لحظة البعث وهو طالع من تحت التراب اطيب عند الله من ريح المسك. يا سلام! ايه العبادة اللي بتنور لحزة البعس وبتنور الميزان وبتنور - 00:31:00

هو ايه العبادة العظيمة دي؟ لا يا اخوانا مش بس كده. ده بعض ائمة السلف زي سفيان ويعني يمكن من العصر الحديث زي الشيخ الفوزان. قالوا ان الصيام ده - 00:31:20

كل الاعمال عند القنطرة اللي هي بيخلص فيها حقوق العباد ممكن اللي انت زلمته او اللي انت زلمتيها ياخذ من حسناتك من الصدقة من الصلاة اي حاجة الا الصيام. قال لك الصيام ده العبادة اللي ما حدش يعرف ياخذ منك فيها حاجة. ياه! يعني يا فرحة الصواميل على القنطرة! يعني الصيام ده يا اخواننا زي - [00:31:30](#)

مجلس الشعب الوقتي كده يقول لك حصانة. الصيام ده عبارة عليها حصانة. ما حدش يعرف يقرب لها الصيام ده عبارة عليها حصانة. مين بقى اللي يفرط في العبادة دي؟ مين اللي يفرط في هذه العبادة العظيمة؟ قال رسول الله صلى الله عليه وسلم من صام يوم - [00:31:50](#)

يوما شوفوا بقى اللي صامه النهاردة وصامه امبارح ده يوم واحد بس كده. باعد الله في سبيل الله. باعد الله او باعد الله وجهه عن النار خريفا. سبعين سنة يا رب. سبعين سنة يعني اللي غيرك يقطعه في الطريق الى الله في سبعين سنة. انت قطعتة في يوم واحد بعبادة الصيام - [00:32:06](#)

طب ويعني وجه يبعد عن النار ليه؟ الواحد لما يببص للشمس يا اخوانا الشمس دي كائن بيتكون من ثلاث طبقات. الشمس بتاعتنا الصغنتوتة دا هي الطبقة اللي برة درجة حرارتها ست الاف درجة مئوية. الطبقة اللي في النص درجة حرارتها ثمانية مليون درجة مئوية - [00:32:25](#)

القلب بتاع الشمس خمستاشر مليون درجة مئوية. انا عايز اقول لك يعني واحد ما اترماش في الشمس ولا حاجة ولكن واقف قدام الشمس هيبستحمل ازاي؟ يعني شف احنا على بعد ثلاثة وتسعين مليون ميل من الشمس وممكن واحد يجي له ضربة شمس يموت فيها. طب تخيل انت عايز تبعت بقى كم - [00:32:41](#)

مليون ميل عن جهنم. عشان تنجو من لفحها وحرها. يعني اذا احنا محتاجين الصيام. عبادة محتاجينها بكل قوة. الم تسمعي الى حديس لرسول الله صلى الله عليه وسلم ان الله - [00:32:59](#)

وملائكته يصلون على المتسحرين الله! يعني ده لسة يا رب ما بدأش الصيام! يا رب ده لسة ما بطلش! ده لبس ابي ياكل! مش ممتنع عن الاكل! السواب بدأ من وهو - [00:33:12](#)

لسه بيستعد للعبادة امال لما بيدخل في العبادة بقى ويتلبس بالعبادة بقى ساعتها هيبقى السواب شكله ايه؟ الم تسمع الى حديس رسول الله صلى الله عليه وسلم ثلاثة لا ترد دعوتهم. واحد منهم الصائم - [00:33:28](#)

حتى يفطر مش بس حين يفطر حتى يفطر. يعني طول اليوم دعاء مستجاب باذن الله. سبحانه وتعالى. مين بقى اللي يفرط في العبادة دي مين اللي يفرط في الصفقة العظيمة دي؟ مين اللي يفرط في في يعني المعاني الخطيرة دي؟ الوقفات بتاعة عشر ذي الحجة وبتاعة رمضان. دي يا اخوانا عشان نتمنى هذه المعاني - [00:33:44](#)

عشان نتشاحن بهذه المعاني. عشان المعاني دي تتجدد في قلوبنا ما عدناش نقدر نسيبها بعد كده بقى خلاص. كلمنا عن صفقة قيام الليل وما اعظمها من صفقة. اتكلما عن صفقة ذكر الله الا انبئكم بخير اعمالكم. اتكلما عن صفقة الصيام عليك بالصوم فانه لا عدل له. اتكلما عن هذه الصفقات - [00:34:04](#)

نتكلم عن صفقة ايه تاني بقى في عشر ذي الحجة اصل صفقات كتير جدا قبل ما ندخل في صفقة صلة الرحم لان دلوقتي يعني حسبنا الله ونعم الوكيل يعني. ربنا ينقذنا مما نحن فيه. المعاملات عند المسلمين بقت يعني صعبة - [00:34:24](#)

الاخلاق والمعاملات بقت صعبة جدا ندخل بس في صفقة تعبدية بس خطيرة جدا. صفقة الدعاء الدعاء لله سبحانه وتعالى. صفقة الدعاء يا اخوانا ما ينفعش تضيع منا في عشر ذي الحجة. ما ينفعش ما بين كل اذان واقامة اوعي تضيعي لحظة. اوعى - [00:34:38](#) ده لحظة دعاء في قيام الليل الدعاء في كل وقت. يعني هناك اثار ان الدعاء في العشر تيام مستجاب. صفقة الدعاء الدعاء عبادة ربنا بيبجها اوي سيدنا زكريا في القرآن سيدنا زكريا نبي يعني سيرة نبي انت بتفتح سيرة النبي عليه الصلاة والسلام سيدنا محمد بتقلب الصفحات شف الاحداس. سيرة سيدنا زكريا في القرآن كلها ذكر في - [00:34:55](#)

ده حدس واحد بس في الثلاث مرات اللي ذكر فيهم في القرآن وهو رافع ايده وبيقول يا رب في سورة مريم ها از نادى ربه نداء

خفيا. في سورة انبياء وزكريا از نادى ربه. رب لا تذرني فردا. في سورة ال عمران هنالك دعا زكريا ربا. قال رب هب لي من لدنك -

[00:35:16](#)

ذرية طيبة يعني سيدنا زكريا في القرآن كل واحد رافع ايده الى الله وببيدعي شوفوا حب ربنا للدعاء قد ايه. لدرجة ان يعني نبي من الانبياء العظماء عليه الصلاة والسلام وربنا كل السيرة اللي يذكرها في القرآن وهو رافع ايده وببيدعي ربنا سبحانه وتعالى من الحاجات الغريبة جدا في آيات الدعاء في القرآن ان الدعاء يا - [00:35:36](#)

اخوانا الاجابة مش على قدر الدعاء. انت بتدعي على قدرك. وربنا بيفتح عليك على قدره. ولقد نادانا نوح فايه؟ فلنعم المجيبون يعني هو دعا سيدنا نوح وهو بيقول رباني مغلوب فانتصر. شف الدعاء طب شف الاجابة بقى ففتحننا - [00:35:56](#)

ابواب السماء بماء منهمر. ايه ده يا رب كل الاجابة دي! وفجرنا الارض عيونا. فالتقى الماء على امر قد قدر وحملناه على ذات الواحد ودر. سيدنا نوح وهو بيدعي هل كان يتخيل هذه الاجابة المهولة دي كلها؟ سيدنا زكريا هو بيقول رب لا تذرني فردا. ربنا بيقول -

[00:36:14](#)

يا زكريا انا نبشرك بغلام اسمه يحيى لم نجعل له من قبله سميا. ما لوش زي يا يحيى. يا زكريا عليه الصلاة والسلام يا سيدنا زكريا وهو بيطلب هل كان يتخيل ان الاجابة ممكن هتبقى يا اخوانا الدعاء انت بتدعي على قدرك مهما كان. ولكن ربنا سبحانه وتعالى بيعطيك على قدره - [00:36:34](#)

ايوب مسني الضر وانت ارحم الراحمين فاستجبنا له فكشفنا ما به من ضر فورا. رغم انه مرض مزمن بقى له تمتاشر سنة فورا. واتيناه اهله ومثلهم معهم. ايه ده! ازاي ده! يا اخوانا عطاء ربنا - [00:36:52](#)

على ربك لما بيعطي سبحانه وتعالى طيب ليه من لا يسأل الله يغضب عليه؟ ليه؟ من لا يسأل الله يغضب عليه ليه؟ اصل انا لما ما بطلبش منك حاجة هي حاجة من اتنين - [00:37:08](#)

يا اما مستبخلك! يا اما مستفقرك! ما هو يا اما انت معكشي! يا اما معك بس انت بقى مين اللي هيديني! طب انت بقى ما بتدعيش ربنا ليه! يعني انا لو عارف انك كريم - [00:37:20](#)

وعارف انك غني. طب ما انا هطلب منك على طول. انما الوقت سبحانه الله شوفوا يا اخوانا يوم عرفة بيقف على عرفة ثلاثة مليون. ثلاثة مليون يا اخوانا الواحد يعني بيقف على عرفة وممكن يكون محضر خمسين ستين دعوة. تخيلوا بقى لو كل واحد منهم عشر دعوات بس. في الثلاثة مليون بتلاتين مليون دعوة ده غير اللي برة عرفة - [00:37:30](#)

تلاتين مليون دعوة ربنا بيستجيب للجميع الا من شاء الله سبحانه وتعالى. الاصل ان الكل بيستجاب له. كل هذه الدعوات يا الهي. ربنا يا اخوانا ربنا كريم يا سحاء الليل والنهار. خير نازل من يمين الرحمن فيضانات على عباده. سبحانه وتعالى بل يده مبسوطتان ينفق كيف يشاء - [00:37:50](#)

المسل الاعلى انا مش يعني مش تشبها انما انا بقول ان يعني يعني الملوك لما يقول لك بيدي بايديه الاتنين يعني ده واحد بقى بيغرف من الخزائن بقى يعني ايه - [00:38:10](#)

ده عند ملوك الدنيا. واحد بقى مش بيديك كده. ده واحد بيديك كده. يعني حاجة بقى ايه؟ يعني عطاء عظيم جدا. فربنا ولله المسل الاعلى بيقول لك بل يده سبحانه وتعالى - [00:38:20](#)

بل يده مبسوطتان ينفق كيف يشاء. شوفوا بقى الكرم يعني مين يا اخوانا انت مستبخل ولا مستفقر ولا ايه القضية. الرسول عليه السلام من احساسه بغنى الله. كان بيقول له اللهم اني في صحيح ابي داود. اللهم اني اسألك من الخير كله كله. يا نهار ابيض! هو -

[00:38:30](#)

ده يعني ده ممكن يتطلب عاجله واجله كمان ما علمت منه وما لم اعلم. يعني لو جمعنا كل ملوك الدنيا وملط مليارديرات الدنيا وقلنا لهم معلش يا اخوانا بس نسألكم من الخير كله عاجله واجله. ما علمناه منه وما لم نعلم هيقعدوا يضحكوا ايه المؤمن اللي بيقول ده؟ مين بيقول ايه اصلا؟ هو مين اللي يقدر - [00:38:50](#)

الكلام اللي انت بتقوله ده انما ربنا تطلب منه هذا الطلب. يا عبادي لو ان اولكم واخركم وانسكم وجنكم يعني كم دول خمسين ستين مليار مسلا مخنوق قوموا في صعيد واحد فسألوني فاعطيت كل واحد منهم مسألته. ما نقص ذلك من ملكي. الواحد ساعات بيتخيل الحديث ده. يعني - [00:39:10](#)

اعلى واحد هيطلب ايه؟ ملك الارض ملك الارض خلاص يا سيدي هم في ستين مليار بستين مليار ارض. بستين مليار. مجرة التبانة بس. المجرة الصغنتوتة النور والحنة البتاع اللي مش متشافه في وسط الكون ديت فيها ميت مليار نجم زي الشمس كل نجم بقى له كواكب وله كويكبات ومزنبات وشهب - [00:39:30](#)

والاقمار يعني تخيلوا يا اخوانا الموضوع كبير جدا. يعني لو كل واحد طلب قد الكرة الارضية ده مجرة التبانة الوحيدة تبقى اكثر من كل ده. موضوع كبير جدا موضوع خطير جدا ربنا عظيم - [00:39:53](#)

قبل ما نسيب صفقة الدعاء انا عارف ان كل واحد مننا مكروب وعنده حاجات كتير وعنده مشاكل كتير ولكن كل واحد مننا عنده مشكلة كبيرة اوي يعني كل واحدة مننا ممكن تكون اخت من الاخوات عايزة تتجوز واحد عايز حاجة في رزقه واحد عنده مرض واحدة ابنها عنده مشكلة كبيرة ونفسها ان ربنا يعافيه منها. واحد - [00:40:06](#)

واحد يعني واحد عايز يطلب علم واحد عايز ربنا يفتح على قلبه واحد عايز الجنة كل واحد له طلبه بقى على حسب بقى على حسب طلبه. يا اخوانا فيه رويشتة خطيرة جدا - [00:40:24](#)

جدا جدا النبي عليه الصلاة والسلام لما وقع في كرب شديد جدا. لما سحره اليهود يعني تخيل يعني حاجة يعني حاجة خطيرة جدا. النبي عليه الصلاة والسلام شف السادة بتقول لك ايه حتى - [00:40:34](#)

اسمعي بقى حتى الروشتة دي يا اخوانا خطيرة جدا يا اخوانا. حتى اذا كان ليلة معينة كده دعا ودعا ودعا. يعني ليلة معينة النبي عليه الصلاة والسلام بقى لما الكرب اشتد على النبي عليه الصلاة والسلام ليلة معينة كده وقام يصلي قيام ليل - [00:40:47](#) وكل سجدة يتوسل وعند كل وقفة يتوسل وما بين الصلاة يتوسل فما كان النهار الا. ربنا سبحانه وتعالى فرج الكرب عن النبي، عليه الصلاة والسلام، يعني عايز اقول ايه؟ عايز اقول ده هي ليلة يا اخواني. الشاب اللي عايز يتجوز ومش لاقى عروسة. يا ابني ليلة - [00:41:07](#)

انت اللي عايزة عريس اللي عايز اي ايا ما كانت بقى كل واحد عنده مشاكله وعنده همومه. الحاجة اللي تعبناك وليلة حتى اذا كان فدعا ودعا جربوا الروشتة المهولة دي. اللي لا يمكن حد هيجربها يا اخوانا ويعني سبحانه الله العظيم يعني يعني الواحد - [00:41:27](#)

يعني لما بيشوف قول سيدنا زكريا عليه الصلاة والسلام ولم اكن بدعائك ربي شقيا بي الباقي هنا باقي المصاحبة بدعائك يعني انا الدعاء ده يا رب صاحبي في حياتي الواحد لما بيرفع ايده لربنا سبحانه وتعالى ويشوف يعني اجابة الملك سبحانه وتعالى الواحد فعلا بيحس ان اللي عايش من غير دعاء ده عايش ازاي - [00:41:47](#)

ده تعيس ده ولا شقي ده ولا محروم ده ولا عايش ازاي ده! يعني ازاي مستحمل حياته من غير دعاء ومستحمل الابتلاءات دي من غير دعاء ازاي ولم اكن بدعاء اللي هيجرب الدعاء مش هيعرف يسيبه. اللي هيجرب الدعاء بس يدعي صح. يدعي صح مش يقول يا رب يا رب يا سلام! والله - [00:42:06](#)

ده بتجيب ايه دي في الدنيا دي؟ في الدنيا دي بتعمل ايه ديت؟ يعني يعني لو انت عملتها مع اهل الدنيا ولا اسباب الدنيا تعمل ايه ديت؟ انت بتتعامل مع الملك. ادعي صح. قم الوقت اتوضا - [00:42:26](#)

وصلي ركعتين وتوسل الى الله في كل سجدة بطلب معين وشف بقى اجابة مولاك اه طب انا ما استجيبش ليه! يبقى فيه شوية زنوب اقعد بس كده ربع ساعة استغفار بقلب وتوسل الى الله سبحانه وتعالى وبعدها ادعي وشف - [00:42:36](#)

وشف مولاك وشف عجائب اجابة الدعاء من الملك. سبحانه وتعالى وشف وانت بتدعي في السجود قبل ما ترفع راسك في السجدة. الاجابة تكون تنزلت يا اخوانا اللي بيحصل دلوقتي يا اخواني مش ده الطبيعي. اللي بيحصل دلوقتي عندنا مش ده الطبيعي. الوقتي

اجابة الدعاء صعبة فعلا - 00:42:50

دلوقتي الرؤى الصادقة تحس ان هي يعني يعني اخر مرة اتشاف لك رؤية امتى ولا اتشاف لك حتى كابوس امتى اخر مرة طبيعي ان الرؤى كتير الطبيعي ان الرؤيا الصادقة. الطبيعي ان اجابة الدعاء دي الاصل اصلا - 00:43:08

الطبيعي ان المؤمن حياته فيها كرامات كثيرة. الطبيعي ان ربنا ببسر لنا الدين والهداية. اللي بيحصل ده مش الطبيعي يا اخوانا ليه؟
عشان الذنوب يا اخوانا عشان كثرة الذنوب. عشان كثرة الاثام - 00:43:25

عشان كثرة البعد عن الله ما يقول لك ستيف جوبز في الجنة عشان الايفون. طب اللي اخترع الموبايل نفسه؟ يعني اللي اخترع الموبايل نفسه الروسي. من من بلاد ملحدة اصلا - 00:43:41

يعني واحد قال لا اله والحياة مادة يدخل الجنة عشان اخترع تليفون وواحد والعياز بالله وخذ مليارات حصد من وراء ثمرة هذا العمل. يعني يا اخوانا احنا ايام صعبة والذنوب كثيرة جدا جدا. فعشان كده بس يعني اتعب بس شوية في الدعاء - 00:43:51
اول بس ما الذنوب كده ايه تتهز كده بشوية استغفار شف بعدها اجابة الدعاء هيبقى شكلها ايه مش عايزين ننسى الصفقة دي الله يكرمكم يا اخواني والله يكرمكم يا اخواتي مش عايزين - 00:44:07

ننسى الصفقة دي ابدًا صدقيني ده الروشة سعادة في حياتك والله. ولم اكن بدعائك ربي شقيا. انا يا رب الدعاء ده سر سعادتي في الحياة. صدقوني يا اخواني ويا احبابي في الله - 00:44:17

الروشة دي سر سعادتنا في الحياة. روشتة حتى اذا كان ليلا فدعا ودعا ودعا اللي هي ليلة لدعوة. ندخل بقى في صلة الارحام لان يعني يعني يبدو ان احنا اقتربنا برضه من نهاية الحلقة. صفقة صلة الرحم. احنا قلنا على عبادة الدعاء ان عبادة ربنا بيجبها سبحانه وتعالى. طيب - 00:44:27

صلة الارحام ما دي ايام صلة ارحام وبر واکرام وبر والدين طيب عبادة صلة الارحام عبادة خطيرة. شفتي يا اخوانا بالزبط عبادة صلاة الارحام بالزبط شفتي جنين في بطن امه متعلق بالحبل السري في الرحم الحبل السري - 00:44:47
ومش شغالة رثته مش شغالة. الحبل السري ده بيقوم مقام حوالي ست اعضاء. لان لسة اعضاؤه ما اشتغلتش. لو واحد جاب مقص وقطع الحبل السري انتهى. بالزبط عبادة صلة الرحم هي الحبل السري داهو. من وصلك ده حديس قدسي. وصلته حبل الرحمت موصول. طب ومن قطعك - 00:45:04

بتاتو دي رواية ودي رواية حبل الرحمت يتقطع والعياز بالله. فواصل الرحم موصول من الله. وقاطع الرحم مقطوع عن الله الحديس العظيم العظيم من اراد ان يبسط له في رزقه. ومين مش عايز يا رب وينسأ له في اثره. يعني عمره يطول او البركة في العمر - 00:45:24

العمر ما عدش فيه بركة ولا النهار فيه بركة ولا الليل فيه بركة. اللي عايز بركة بقى في الليل والنهار والايام والاسباع والشهور الطالب اللي عايز بركة في الوقت عشان يقدر يذاكر - 00:45:46

كويس اللي ما عندهاش بركة في وقتها اما بتطبخ وتشوف حاجات عيالها اليوم بيكون راح. اللي ما عندوش بركة طالب علم وعايز يذاكر. وربنا يبارك له في الوقت العابد اللي نفسه يعبد ربنا - 00:45:56

والوقت ما فيش فيه بركة. اهو يا اخوانا العبادة الوحيدة للنبي عليه الصلاة والسلام قال انها ممكن تطيل العمر اوي بقدر الله سبحانه وتعالى. او انها تبارك في العمر البركة في العمر اخطر من اطالة العمر - 00:46:07

البركة في العمر اخطر من اطالة العمر. من اراد ان يبسط له في رزقه وان ينسأ له في اثره فليصل رحمه. او مال الصحابة طلوعوا حدائق اللي على ارحامهم ليه؟ مين الوقت اللي عنده عمارة يدي شقة لقريبه؟ مين يا اخوانا - 00:46:20

مين يا اخوانا الحاجات دي لازم ترجع لان دي صفات اهل اليقين الصحابة عملوا ما هو اعظم. من هذا قرايبي بيكرهوني كالمعتاد وهنقول الحديس اللي بيتقال في هذا بالمناسبة افضل الصدقة على ذي الرحم الكاشح - 00:46:36

تفتكر الحديس ده لان العيد جاي واللي مش هيعرف يوصل قرايبيه في الايام من ذي الحجة اول يوم العيد ده ليوم العاشر وافضل

ايام الدنيا عند الله سبحانه وتعالى. واليوم - 00:46:52

العاشر في عشر ذي الحجة في يوم صلة رحم اساسا عند الناس. لأ مش ده انت تبدأ باللي قاطعك. ابدأي باللي قطعك من قرأيك. ابدأ باللي قطعك من قرأيك ده بيكرهني افضل الصدقة على ذي الرحم الكاشح. اما الواحد دور على معنى كشح في آ لغة العرب في يعني في في المعجم. لقيت ان معنى الكشح - 00:47:02

الحقد والغل والسواد يعني لها علاقة حتى يعني العقارب يعني اللي بيحقد عليك اوي اوي بيحقد علي وبرضو تتصدق عليه. وده يبقى افضل الصدقة عند الله سبحانه وتعالى. يعني عايزين نبقي فرسان القرآن طبعاً يعني هننسى بعد صفقات فرسان - 00:47:23

صيام وفرسان الزكر وفرسان القيام وفرسان الدعاء وفرسان صلة الارحام هننسى فرسان القيام يا نهار ابيض! امال نبقي اتكلمنا في ايه يا اخواننا! يا اخوانا الحرف بعشر سنوات برة الايام دي طب لو الايام دي بقى المضاعفة سبعمية ضعف زي ابن عباس ما روي عنه فيما يعني رواه الائمة عنه يعني سبعمية في - 00:47:43

عشرة بسبع تلاف الحرف بسبع تلاف حسنة ممكن يبقى بكده وممكن يبقى اعلى من كده كمان. لو الحرف بعشر حسنة. تخيلوا يا اخواني بس بصدق كده. لو كان بعشرة جنيه. لو الدولة كانت بتصرف على الحرف عشرة جنيه كانت الناس عملت ايه ؟ كانت الناس قعدت ليل نهار تقرأ القرآن. طب احنا يقينا على العشرة جنيه اكثر من يقل - 00:48:03 على عشر سنوات. رغبتنا في العشرة جنيه اكثر من رغبتنا في العشر سنوات. فبين اليقين يا اخواني؟ فبين الرغبة الى الله يا اخواني؟ فين الصدق يا اخواني؟ فين حب الله يا اخواني - 00:48:23

فين تصديق الله يا اخواني؟ عشان كده النبي عليه الصلاة والسلام بيقول لك ايكم يحب ان يغدو الى بطحان او العقيق اماكن بقى ايه بتبيع افضل جمال. فيأتي بناقتين كوماوين زهراوين - 00:48:33

ناقتين بقى ما حصولش يا شباب ايكم يحب ان يغدو الى توكيل مرسيدس بنز او توكيل رامبورجيني او توكيل للكريزلا او توكيل بنت لي او توكيل فيأتي بعريتين كوماوين زهراوين. مين انا طبعاً - 00:48:45 ولا ان يغدوا احدكم الى بيت الله. شوفوا بقى سواب قراءة القرآن في المسجد. وسواب دروس التفسير. عشان الدعاء يركزوا في دروس التفسير والناس تقبل على دروس التفسير احنا اساسا ماشيين في سلسلة صورة مريم. ولكن الاحداس كتير ما ينفعش ان احنا نتجاوز الاحداس طبعاً - 00:49:03

والان يغدو احدكم الى بيت الله او الى المسجد في تعلم او يقرأ ايتين خير له من ناقتين وثلاثة خير من ثلاث. واربع خير من اربع باعدادهن من الابل. يعني تخيلوا مين اللي عايز اربع عربيات مرسيدس. الفجر يقعد يقرأ قرآن بعد الفجر اربع ايات بس احسن من اربع عربيات. مرسيدس الذي - 00:49:19

ليس في جوفه شيء من القرآن كالبيت الخرب البيت الخربان ده مهجور. ما فيش فيه ملايكة في حياته. البيت الخربان ده ايل للسقوط اقل فتنة توقعها. تضيع دين والعياذ بالله. البيت الخربان ده ميان عقارب وحيات. الشياطين في حياته. البيت الخربان ده شكله وحش. محل نظر الله لي قلبي شكله وحش - 00:49:41

شكله زي البيت الخربان. يا اخوانا ده القرآن زود ايمان الحجر لو انزلنا هذا القرآن على جبل لرأيت خاشعاً متصدعاً. ده القرآن يا اخوانا طير قلب المشرك. جوهر ابن هو مطعم لما سمع النبي عليه الصلاة والسلام يقرأ - 00:50:04

خلقوا من غير شيء ام هم الخالقون؟ قال فكاد قلبي ان يطير. القرآن قلب حياة الجن يا اخوانا. واذا صرفنا اليك نفرا من الجن يستمعون القرآن فلما حضروه قالوا انصتوا فلما قضي ولوا الى قومهم منذرين حياتهم انقلبت وتحولوا الى دعاة واصحاب رسالة. لما سمعوا القرآن احنا القرآن هيعمل في حياتنا - 00:50:19

ايه تحدثنا على ان فات الوقتي خمسة وخمسين ساعة من اغلى متين واربعين ساعة في السنة كلها. يعني احنا الوقتي في قطار العشر قطار العشر لأ يعني يعني خمس القطار عدى يا اخوانا. يا اخوانا بكرة تالت يوم من ايام العشر. الليلة دي تالت ليلة من

الليالي العشر اللي ربنا اقسم بها في - 00:50:39

القرآن وليال عشر يا اخوانا عايزين نستيقظ. يا اخوانا قوموا بقى. قوموا بقى لا يعجز احدكم. قوموا بقى بادروا بالاعمال الصالحة المبادرة دي. يعني خطر الحق بقى قبل ما الفتن تيجي. قومي بقى املني صحيفتك بالحسنات باذن الله. قوموا بقى انطلقوا الى الله.

يلا لو وقعت ليلة قم يا عم واحنا - 00:51:00

بلاش احباط بقى خلاص. اللي عايز يوصل للسمار بتاعة النخلة لازم يستحمل الشوك بتاع الجريد شوية. ايه يعني ليلة جا لك فطور

يوم جا لك فطور. يوم وقع منك مش - 00:51:20

كده يا اخوانا قم وكمل بقى وخليكم ناس عمليين في الطريق الى الله سبحانه وتعالى. بلاش الاحباط اللي بين الشيطان ده والعياذ بالله ركزوا. احنا قلنا دلوقتي صفقات كتير. ركزوا قلنا صفقة الصيام والذكر والقرآن والقيام. ركز لك في صفقتين وانطلق فيهم الى

الله. سبحانه وتعالى. عشان برضو - 00:51:30

اللي ربنا يعينك منه بقى. ويعني ضحوا باي حاجة في هذه الايام. ما فيش دنيا بقى خلاص مش عايزين انشغالات. خلاص يا اخوانا

عبادة ربنا اغلى. يعني احنا الوقتي افضل ايام الدنيا عند الله ايام العشر. يعني عايزين ايام احسن من كده ايه؟ وعايزين فرص

مضاعفة اكثر من كده ايه؟ وعايزين نفحات من الرحمن سبحانه وتعالى - 00:51:48

اكتر من كده ايه؟ اسأل الله سبحانه وتعالى ان يفتح علينا جميعا في هذه الايام. اللهم افتح علينا في هذه الايام يا رب. اللهم اعنا فيها

على ذكرك شكرك وحسن عبادتك. اللهم اجعلها خير ايام مرت علينا في حياتنا يا رب. يا رحمن يا رب. يا رحمن يا رب - 00:52:08

الله افتح على قلوبنا بالهدى والايمان. اللهم اجعلها خير ايام مرت علينا في حياتنا يا رب. يا رب اللهم لا تحرمنا اجر الحجاج اللهم لا

تحرمنا اجر حجاج بيتك يا ارحم الراحمين. اللهم امر اوقاتنا وساعاتنا بطاعتك ليلا ونهارا يا رب - 00:52:28

يا رب انزل هدايتك على شباب المسلمين وعلى فتيات المسلمين وعلى رجال المسلمين وعلى نساء المسلمين وعلى اطفال المسلمين

لك ولي ذلك والقادر عليه. انطلقوا يا اخواني ربنا يعينكم وربنا يفتح عليكم. وربنا يجعلها اعظم ايام في طاعة ربنا سبحانه وتعالى.

سبحانك اللهم - 00:52:48

وبحمدك اشهد ان لا اله الا انت استغفرك واتوب اليك نور في الظلمات امسي في خلواتي يا سعدي وهناك - 00:53:08